

定文武官职大小龙法赋。
寻龙要诀，先观太祖少宗。
下手真传，妙在真龙有穴。
有龙无穴，且看拙底巧裁。
有穴无龙，纵是妙中何用。
宾强主不对，终须作是虚花。
身贵朝有愤，定是为官秀实。
贵里不足，十分只好五分。
贵龙有针，重论则为轻论。
左生右死，定知在任无终。
前畅后空，决主为官不禄。
里多传变，不如尖圆方秀三者为佳。
龙有断续，龙贵孟仲季 牵连为上。
火楼并竿，出列士以封侯。
座屏独高，断登坛而拜将。
阳里品列，产八位公卿。
禄位双尖，出王侯宰相。
衙帘下贵人高竿，身近龙颜。
绣廉下伸手平坦，名登雁塔。
贵龙迭迭，为刺史高官。
宝塔巍巍，作王朝贵职。

布 军 阵 起 ， 断 生 将 帅 雄 才 。
七 星 龙 列 ， 定 出 公 卿 巨 贵 。
职 星 龙 起 ， 男 为 海 上 提 刑 。
霞 帔 星 呈 ， 女 作 皇 宫 后 嫔 。
风 帘 微 动 ， 还 他 一 代 文 星 ，
月 带 宽 横 ， 亦 主 富 资 薄 尉 。
龙 生 蟠 势 。 定 知 一 举 荣 华 ，
对 峙 剑 旗 ， 必 主 三 军 行 阵 。
讲 书 星 现 ， 儿 孙 紫 绶 满 朱 门 。
顿 笏 龙 行 ， 世 代 为 官 居 县 令 。
顿 枪 独 火 ， 断 为 大 将 官 军 。
覆 釜 三 金 ， 定 作 府 官 贵 职 。

败 旗 左 右 见 拖 枪 ， 终 为 劫 贼 。
皂 纛 两 边 如 插 剑 ， 定 出 将 军 。
走 马 开 弓 ， 怀 千 里 之 智 略 。
宣 威 布 阵 ， 破 东 鲁 之 寒 心 。
战 旗 立 起 ， 武 无 敌 而 文 亦 全 。
将 坛 独 秀 ， 战 必 胜 而 攻 必 取 。
铜 针 撼 样 ， 断 为 官 万 里 标 名 。
衣 带 飘 飘 ， 作 事 虚 花 不 实 乱 。

乱蛇势落，定知镇压乡间，
伏虎雄威。必播声名州县。
卷旗龙起，定为巡简之官。
衙带星呈，断出卿相之职。
展起红旗，世代为官不绝。
低呈黄帖，制买棺诰归来。
吨厨起库，出巨官而久长。
走马串珠，作大官而绵远。
火木并秀，出翰苑文宗。
木土带金，为乌台刺史。
水木星并行，定出史礼之贵。
土木火传变，必为史部之官。
龙身带剑，解元榜眼高登。
石笋冲天，宰相神童并孕。
土诰带石笋，乃侍郎尚书之职。
金水连迭帐，为知府参政之官，
倒地见贪狼，必是土官居省郡。
若是三金遇火土，断为兵刑之权官。
衙屏三台连插汉，状元榜眼探花郎。
三台笔架笔楼台，断两出京都御史。
覆釜三金似月，定毓科道之官。

龙身带石清奇。号为封宪之职。
木火叠叠，必出宰相。
三木重重，知州知县。
五七火里高竿。决生宰相擎天。
三尖笔架无缺。定出儿孙刺史。
华盖三台兼玉蕊。职任朝官。
擎天四柱及文星，名登宰辅。
帘幕下贵人连插。定为六部太保之官。
金土重重无木火。乃出巨富陶朱之辈。
蛮土蛮金，定是愚顽之富，
头金头火，必瞎跛碓之人。
龙身带劫，为鬼为坛之所。
枝脚翻花，主出师巫之流。
过脉若遇有劫星，出僧道邪术之辈。
龙身缠护或东西。乃下贱带劫之龙。
一土又一土，富贵荣华之最妙。
一木又一木，孤独鰥寡监门速。
一金又一金，孤男寡女比中寻。
堆筑龙来，为积玉堆金，
覆釜龙来，乃盈仓满库。
玉带两边开凤翼，敌国富豪。

雀屏山下似龙盘，彻天声价。
卷帘形起，出小富而典钱。
覆釜低模，有大仓而积粟。
仙人竿起过仙桥，白日升天于紫府。
玉杖高停过玉钵，紫衣封赠于天王。
玉钵斜起，须知庙食于千年。
仙童孤峰，能炼灵丹之九转。
步罡龙起，必一家同上仙宫。
锡星呈双，必覆西归佛国。
龟头鹅颈，必然神庙之场。
蛇尾鱼腹，必作蛟潭之所。
龙蟠凤落，必为更鼓镇场。
挂幕垂帘，必作州官之美职。
如龟有阴，出人医卜妙如神。
死鳐无情，定主贼兵刀下死。
天罡孤曜，断主孤男寡女。
扫火披帘，断主出人淫荡。
牵牛金头木脚无救星，儿孙受难。
木脚金头遇水宿，世代封侯。
旗头枪脚，先军贼后为官。
土畔木星似马，定出提刑典郡。

龙有貂婁秀丽，荷封八座高官。
身上一座三台，位迁五县荣职。
兄弟联登，乃见貪狼叠悵。
儿孙执笏，盖缘三木奇尊。
腾腾宝盖势侵云，代代为官清政职。
插汉三峰似笔尖，人人白日定升天。
肥圆四金，满门儿孙受荫。
台里三座，定然久镇朝廷。
华盖两重，断必永居相府。
小富则三眉二月，
大魁乃四土五金。
欲知府职何来，月前三釜。
若问县官根底，阳下一阴。
巨富无官，贵人牵脚。
得道为仙里不正，
为官至老顶无敬。
屯军踏节有诰印，定出官班。
玉笏扑头有文星，状元及第。
巨富乃连仓带库，
清闲则孤笔奇峰。
扫荡覆箕，愚顽庸懒。

嵯峨破碎，做贼动瘟。
来龙孤露绽护低，有初无末。
过峡孤单护送无，儿孙贫尽。
座下若无真气脉朝送，空有万重山。
座下十分龙特起竿少，朝山至尊贵。
龙法赋尽，诀要心传。如得真机，匪人
勿泄。